



Шормо эл, порымлык да гын берр!

2-шо (3286) №,  
2017 ий 14 январь,  
шуматкече.

# ЯМДЕ-ЛИЙ

1933 ий 1 февраль годсек лектеш.



## Унам сийлена



ЛИВАНОВАН фотожо-влак.

Арслан СМЕРНОВ, Медведево районсо Руэм школ, 1-ше «В» класс.

Вика ДЕРЯБИНА, Волжский районсо Пётъял йочасад, 6 иаш.

Р.КОРОТКОВАН фотожо.

Уремыш лектым, йырым-йыр - ош лум. Пакчашке ончалъым, изи кайык туйшам ужым. Мардеж пуалын ынже найгай манын, изи чапашт дене пушеңге укшым чот кормыжтенят. Лум ймбалне нимат ок кой гынат, южыжо ала-мом чуйнгаш точа. Мый клат гыч пырчым луктын шавалтышым. Нуно куанен чуйнгаш туйналъыч. Вес ганат кайык-влакым сийлаш манын, кочай деч кормушкым ышташ йодым. Тылеч вара ме Валера шолъым дене кайыкым пукшена.

Регина ТРИФОНОВА, 3-шо класс.

Морко, Шенше.

«Ямде лийым» лудаи вашке!

3-шо №-ан Медведево школын кадетше-влак Никита Петров, Антон Феноменов, Ильяс Галимов Москваште «Юнармия» мер толкынын конференцийыштыже лийыныт.

11 январь гыч Марий Элысе школьник-влак Всероссийский олимпиадын регионсо этапшыкыже ушненыт. 819 тунемше шинчымашыжым терга.

Республикысе изобразительный искусство тоштерыште «Щелкунчик да йолташыже-влак» курчак да модыш выставке 5 февраль марте эрта.

Увер  
выр-  
выр





## 13 январь - Россий печать кече



**Шергакан журналист, печать пашаште тыршыше-влак!**

Чыладам Россий печать кече дене шокшын саламлем.

Марий Элыштына 100 утла печать савыктыш уло. Марла газет-влак элнан вес кундемлаштыжат лектын шогат. Тачысе илышыште тўшка-увер йон (СМИ) деч посна иленжат огына мошто. Радио, телевидений умбакыже вияктыт. Интернет илышыш шынен пурен.

Шочмо йылмым, калык тўвырам, йўлам арален кодымаште, у тукымым куштымаште калыкле тўшка-увер йоннын вийже моткоч кугу. Марий савыктышым лудаш йочам изинек кумыландыман. Кажне марий суртышко «Ямде лий» газет ден «Кече-Солнышко» журнал толшаш. «Кугарням», «Марий Элым», «Чолманым», моло райгазетым, «Ончыко», «Усем», «Марий сандалык – Марийский мир» журнал-влакым лудман. Подпискым жапыштыже ыштен шуктыман.

**Марий Онъжа  
Э.В.АЛЕКСАНДРОВ.**

## «Ямде лийын» чап онаже



**Марий Турек район Нартас школын 7-ше классыштыже тунемше Алёна МИЛОЧКИНА**

Отличнице. Биологий, руш йылме дене районысо олимпиадын участницыже. «Ончыкылыкыш ошкыл» конкурсышто шымлымаш пашаже кўкшын аклалтын. «Юзо виан руш мут» Всероссийский сочинений конкурсын районысо этапшын призёржо. «Рошто суксо» кидпаша конкурсышто ойыртемалтын. Школысо «Эскада» волонтер командын енже. Умаште Марий Эл гыч делегация дене пырля Москвашке Кремль ёлкыш миен.

## «Ямде лий» газетнан сенымашыже-влак:

✓ Газетыште еш, ача-ава да йоча пагыт нерген возен шогымылан «Семья и будущее России» Российысе журналист конкурсын Тауштыман серышыже дене палемдалтынна.

✓ Межэтнический журналистике гильдийын увертарыме СМИротворец конкурсын шорт-кагазышкыже «Ямде лий» газетнан лўмжō возалтын. Тиде конкурсыш Российын 85 регионжо гыч 759 СМИ ушнен, тышеч 134 лўм гына шорт-кагазыш логалын.



**Кō ушанрак?**

Куже нер районисо Йўледўр школан «Газельым» пуэныт. Кугу Лаждўр, Йивансола, Энгыжсола гыч 40 тунемшым шупшыклат.

Школыштына марий йылме да литератур дене КВН эртыш. «Волгенче» (6-шо кл.) ден «Волгыдо кече» (7-ше кл.) команде-влак тагасышт. Тунемше-влак келге шинчымым ончыктышт. Сенгышыш «Волгенче» лекте.

**Валентина КУШАКОВА,  
Советский, Кодам.**

## Тольыч куаным конден!

**Пошкырт кундем, Нефтекамск ола.** Пайрем Калык-влакын тўвыра рўдерыште эртен. Марий йоча-влак Йўштō Кугыза ден Лумўдырлан марий койышыштым ончыктеныт. 2-шо номеран школ гыч Э.Павлован муремыжо чылалан келшен. Иктат пōлек деч посна каен огыл.

**А.П.КИЛДИЯРОВА, туныктышо.**

**Морко, Шордўр.** Йошкар-Олаште эртыше «Чапле У ий пайремыш» школ гыч шымытын миенна. Мемнам Евгения Александровна Васильева намиен. Пайремым чолга Агытан, чоя Рывыж, чулым Понго-влак, мотор Теле да чинче Лум пырче-влак сōраста-



## 14 январь - Тошто У ий

реныт. Мыланна марий ёлко пеш келшен. **Денис ВАСИЛЬЕВ, 6-шо класс, Илона АЛЕКСАНДРОВА, Настя ОХОТНИКОВА, 5-ше класс.**



**Волжский, Кугу Порат.** Районысо ёлкыш марий тувырым чиен миенна. У ий дене мемнам районысо туныктымо пōлкам вуйлатыше Э.Н.Муравьева, Кугыжаныш погын депутат Р.А.Григорьев, районысо Мер Канаш вуйлатыше Л.А.Сергеева саламланыт. У ий кож йыр йомакысе персонаж-влак дене пырля пōрдынна. Композитор В.Осиповын У ийлан пōлеклалтше у муржо-влак дене палыме лийынна.

**Вероника ФИЛИПОВА, 6-шо класс.**

## Шерге уна



Марий калыкын I Погынжо (1917 ий, 28 июль–7 август, Пүрö ола) эрта-ралтмылан тений 100 ий темеш. Тиде кугу событийлан пöлеклалтше мероприятий-влакым эртараш лüмын оргкомитетым чумырымо. Тудым Марий Эл Республик виктер, председателын икымше алмаштышыже, культур, печать да калык-влак паша шотышто министр **М.З.ВАСЮТИН** вуйлата.

– **Михаил Зиновьевич, Марий Погын вашеш паша кызытак тўналын?**

– Оргкомитетым чумырен, ышты-шаш паша планым пенгыдемдыме. Чынак, кугу паша тўналын. Кодшо ий мучаште Звенигово район Какшамарийыште просветитель, мер пашаен, «У куралше» марла букварын авторжо Николай Матвеевич Орловлан шарнымаш онам почмо. Мер да кугыжаныш пашаен, МАО-н икымше вуйлатышыже Иван Петрович Петровлан Йошкар-Олаште шарнымаш кўм пышташ да шарнымаш онам пижыкташ палемденна. Куженер район Ананурялын эргыже Иван Ефимович Романов (Одар) Марий калыкын 1-ше да 2-шо сьездлаштыже лийын, тудымат шарныме лўмеш онам почына. Марий мер толкынын виянгмыже да ончыкылыкшо нерген ятыр

шанче-практик, йылме конференций-влак эрташ тўналыт. Мутлан, «Кырла лудмаш», «Игнатъев луд-



## Марий-влакым ик вийыш уша

так шанчызе, студент, туныктышо-влакым ушенит. Тыгай сай пашам йомдарыман огыл. Марий калыкын кугыжаныш пайремжылан шотлалтше Талешке кече, Тиште кече эшеат куатле, виян лийыт, шонем. Моло шуко-шуко сомыл шукталтшаш.

– **Йоча-влакат öрдыжеш кодшаш огытыл.**

– Ойлыманат огыл! Оргкомитет шушаш тунемме ий сентябрьыште школлаште Марий Погынлан пöлеклалтше Единый урокым эртараш темлен. Тиде пеш сай шонымаш! Поро

йўлашке савырныше «Пеледше тукым» конкурс, «У тукым» фестиваль, «Мöр пеледыш» пайрем йоча-влакым ушат – тыге марий калыкын ончыкылыкшо улмыштым шижын кушкыт. Самырыктукым слётат кугу лўмгечылан пöлеклалтше лийшаш. Тўрлö ончер, видеоурок, лекций йоча-влакым марий калыкын эртыме корныж дене палдарат.

– **Лўмгече идалыкыште марий-влак (общественность) тўшкан погынат мо?**

– Шошым Марий Мер Кагашын ойжо почеш Свердловск кундем Красноуфимск районысо Сарсаде ялыште кугу форум лийшаш. Тушто марий калыкын ончыкылыкшо нерген мутланымаш тарвана. Тыгак Башкортостан Республикыште марий тўвыра кече-влакым эртараш палемдыме. Чыла сомылым мер ушем-влак шукташ тўналыт. Марий калык Погынлан 100 ий темме идалыкыште тўрлö кундемыште илыше марий-влак, нунын шочшышт икте-вesityшт дека эше утларак чак лийыт, кугу вийышке ушнат манын ўшанена.

**Лидия СЕМЕНОВА**  
ямдылен.

### Икымше ошкыл

Янина Сандакова Шернур район Купран школын 3-шо классыштыже чыла «визытанлан» тунемеш. Туныктышыжо Ирина Александровна Глазырина шымлыме пашалан кумыланда. Ёдыр кугезе коваже Зоя Ильинична Богданова нерген проектым возен да районысо тагасымаште I верыш лектын. Материалым погаш коваже Светлана Петровна ден кочаже Владимир Николаевич Богдановмыт полшеныт. Янинан икымше почеламутшым лудаш темлена.

**Л.ГРИГОРЬЕВА.**

**Н.СЕМЕНОВАН** фотожо.

Пеш чот йўштö  
только теле,  
Чыла вере мамык гай.  
Коремлаште, пасулаште  
Коштеш Йўштö Кугыза.  
Сўретлаш йöрата тудо,  
Пеш моторын возкала.  
Йўштö годым окналаште  
Эн сöралын сўретла.  
Чылаамат моштен ышта.  
Лум курыкымат чожа.  
Тушто меже модына,  
Тельым чот йöратена.







**М**ый ече дене кош-таш пеш йоратем. Кажне кечын урок деч вара 3-5 мейгым куржталам. Шукыракше Роман изай дене коштына. Пудым школын ечызе-влак команддышкыже налын-ныт. Яра жапше улмо годым ачамат ечыгорным лектеш.

**Кирилл АЛЬМАТОВ,**  
3-шо класс.  
Татарстан, Агрыз,  
Пелемеш.

**Ейск вашлийын**  
Футбол, баскетбол, волейбол – тунемше-влакын эн йоратыме модышышт. Школышто «вольный борьба» секций уло. Вадим Лучников (6-шо «Б» кл.), Женя Громов (6-шо «А» кл.), Стас Блинов (7-ше кл.) Советский посёлкысо «Шұдыр» футбол командыште модыт. Тений нуно Краснодар кундемысе Ейск олаште эртыше тагасымашке миеныт.  
**5-ше классыште тунемше-влак. Советский, Вечын.**



**Пикшла водем**  
Теле тольо. Йыр ошме. Йўштō дечын мый ом лўд. Налын ечим, курык вуйыш Куржын колтышым мый вик.  
Писе-писе пикшла койын, Курык вуй гычын водем. Мардеж дене ўчалалын, Тале ечызе лийнем.  
**Ангелина ОГНЕВА,**  
2-шо «А» класс.  
Морко, Коркатово.

**Х**II курым покшелне Голландийыште кызитсе гай коньким шонен муыныт.  
Ожно коньким лу гыч ыште-ныт. Мунчалтен каяш ече тоя гай лийын.  
1742 ийыште Эдинбургышто йолъечызе-влакын клубышт шочын.  
1763 ийыште икымше тагасымаш эртаралтын.  
Американец Эдвард Бушнелл конькилан ботинкым кельштарен.  
Российышке ботинкан йолъ-ечым Петр I конден.



Мый йолъече дене мунчалташ йоратем. Мыйым изам туныктен. Южгунамже фигуристке улмемла чучеш. Туге чучеш, пуйто мунчалтымемым ончаш шуко енг погынен. Мыланем «Браво! Бис!» кычкырат.  
**Элина АБРОСИ-МОВА,** 2-шо «А» класс.

**Морко, Коркатово.**

**Молодец улыда!**  
Советский районысо 10-11 класслаште тунемше 100 наре ўдыр-рвезылан ГТО-н шорт-нў значокшым кучыктат.

**Куанен модына**  
Школыштына физкультурым Евгений Николаевич Гаврилов туныкта. Тудо волейбол, баскетбол да моло тўрлō модыш дене модыкта. Гимнастике деке шўманда. Кажне физкультур урокышто ече дене шер теммешкак мунчалтена. А кенезым эшеат сай: лапта дене модына, футбол мечым чумена, тагасен куржталына.  
**Марина НИКОЛАЕВА,**  
Морко, Шўргыял.

**«Сеңымаш пырдыж»**  
Тукым шольым Илья Мушкарев Йошкар-Олаште ила, 2-шо классыште лач «5»-лан тунемеш. Тудо шахматла куд ияш гычак модеш, кокымшо разрядше уло. Илюшым «Марий Эл Республикын шахмат федерацийже» спорт ушемыш пуртеныт.  
«Шахматла модаш чот келша. Уш пўсемеш, шуко йолташым муынам. Тренерем - Наталья Анатольевна Васенёва. Тудлан кугу тау», - оила шольым. Ильян сенен налме грамот-шо ден медальже-влакым ача-аваже пачер пырды-модыныт да вич жеш пижыктеныт да ганажат сеңеныт. «Сеңымаш пырдыж» манын лўмденыт.  
**Иван КОШАЕВ,**  
Волжский, Пўтъял.







## Шылым таваленът

Иленът улмаш кова ден коча. Нунын коля ден пырысышт лийын. Икана кова ден коча пазарыш муйым ужалаш каенът. Ужален пытарен огытылат, малаш кодыңыт. Пырыс ден колян мўшкырышт пеш шужен. Йўдым коля шыпак кынеш да ўстембалсе шылым кочкын колта. Эрдене пырыс кынеш, онча – шыл уке! Йолташыжлан сыра да тудым поктылаш тўналеш. Коля лўдмыж дене рожыш пурен кая. Тидын деч вара коля ден пырыс огыт келше.

## Йомак

Христина ПАВЛОВА.  
Морко, Шордўр.



## Лимончик

Ме пырыснам Лимончик манын лўмденна. Тудо школ гыч толмевуча, мыйым омсадўрыштў вашлиеш. Уремыш пеленем лектеш. Коктын модына. Авамын ушккал лўшташ лекмыжым вага, вигак почешыже чымалтеш. Пала: авам тудлан тамле шўрым пуа. Южгунам ушккал пелен малаш кодеш. Лимончик воктенем книга лудмем колышт шинча.

Саха СТЕПАНОВА, 3-шо класс.  
Волжский, Упшер.

## Ныл пырысыгым ыштен

Пырысемян лўмжў – Маруся. Тудо шем тўсан. Шылым, шўрым йўрата. Мый тудым ўштў дене модыктем. Маруся ныл пырысыгым ыштен.

Анастасия МИХАЙЛОВА.  
Волжский, Кугу Корамас.

Ныл йолан йолташда дене лийше онгай случай нерген возен колтыза.

## Палаш онгай

Ушккал, имне, слон шогы-маште малат.

Пырыс суткаште 18 шагат мала.

Шорык озажын чурий-жым шарна.



## Кағаш орланге

Пырысыгыда шергакан у ковўрым (але паласым) нўртен гын, ида ойгыро. Тыглай содо полшен кертеш! Ночко верыш содым шавалтыза, икмынар жап вучалтыза да пылесос дене эрыктен налза.

Пырысдан шур-шыжо пошен гын, тыге ыштыза. Пырысым кидышкыда налза. Вес ег сортам чўктышаш да, тудым кучен, воктекыда шогалшаш. Шуршо-влак, шокшым шижын, тулыш тўрштылаш тўналыт да колат.



## Пўрт орол-влак

Мемнан Ласка ден Малышка пийна-влак улыт. Коктынат пўртым оролат. Нуно келшен илат. Школ гыч пўртылмекем, мыйым порын вашлийыт. Мый нуным пукшем, йўктем. Ныл йолан йолташем-влакым йўратем.

Иван КУЗНЕЦОВ.  
Одо кундем, Алнаш район, Одо школ.

## Волжский районысо Сотнур школ гыч возат.

Пиемын лўмжў – Шарик. Тудын йытыра пинегыже уло. Ош пуанан улмыжлан Ошеч манын лўмденна.



Мемнан Мурка пеш пашаче. Изи колям веле огыл, южгунам куголямат куча. Нуным вўташте оролен шинча. Коляжым мыланна ончыкташ конда. «Могай мый молодец улам» маннеже (сўретыштем).

Виктория ВАСИЛЬЕВА.

А тиде Маша пырыснам сўретленам. Тудым чот йўратем. Эре пеленем мала, йолжо дене мыйым ондалеш.

Маша НИКИФОРОВА.







Кергат,  
Агытан тос!  
Шудышырчыкым  
поктең лукметлан  
тау. Чатка пёр-  
тыштем ынде  
«Ямде лий» газе-  
тым ласкан  
лудын  
кертам.

Ке-ке-  
рек-кре-  
ек! Тений  
мый оза  
улам!  
Чылалан  
полшен  
кертам!

## Вашмутым му

Российын  
областьштыже  
могай  
Пе-  
тушки ола уло?

- а) Тамбов;
- б) Иваново;
- в) Самара;
- г) Владимир.

Могай элыште агытан  
«кокей-дудл-ду» манын  
мура?

- а) Германийыште;
- б) Турцийыште;
- в) Английыште;
- г) Нидерландыште.

Агытанын йо-  
лыштыжо  
мынар парня?

- а) визыт;
- б) нылыт;
- в) кумыт;
- г) кокыт.

Калыкмутыш мут-  
кылдышым ешарыза:  
«Сай агытан ... мура».

- а) Мунышто кийымыж  
годымак;
- б) шүрыштат;
- в) чарныде;
- г) чыве кұштымө почеш.



Звенигово районысо Нуктуж тўвыра пёртыш-  
тө У ий ёлко эртен. Е.Юнусова (снимкыште - пур-  
лаште) онай программым ямдылен. Чыве-ава йырже  
йоча-чывиге ден изи агытан-влакым чумырен.

Ончалза, могай онай!

Йўкшө тудын онгыр гай.

Муралта: «Ку-ка-ре-ку!

Пысынрак лек-ян, Мику!

Пырчым пыште мыланем,

Чыве-влакым пукшынем.

Кочкышетлан тауштам,

Муным тылат пөлеклат».

**Катя ФОМИНА.**

Марий Турек, Сардаял.

## Поэт мокта

Пырдыж гай уржа чока,

Йолымат ок лий чыкаш.

А пеш тамлын йўдрүдеш

Агытан йўк шергылтеш.

Но уржа

пеш мешая,

Пасу йыр

перна каяш.

Рывыж

тўрвым нулалеш,

Ну кудалеш,

кудалеш.

Волгалтшаш тура гына

Шуо ял мучашкына.

Тидым шижын, агытан



Кычкырале, куатан:

– Эй, оза! Пошкудо-влак!

Кынелза те вашкерак!

Кө пычалым, кө товарым

Налза, авырыза ворым!

Рывыж почым ишалта,

Шикш-пурак кудал колта!

А почеш-шыже, торж-жа,

Лўдыктен гўж-жла урж-жа.

Вот садлан шурнылан

Кумылзак Агытан

Кок пачаш таушта:

Арален кодымыжлан,

Тырлыктен

пукшымыжлан

Ондак вуйым савалеш,

Вара пырчым чўнтгалеш.

**Валентин КОЛУМБ.**

## Калыкмут-влак

☹ Агытан муным ок  
мунчо (одо).

☺ Агытан деч поснат  
кече лектеш (армян).

☹ Агытан ятыр гын,  
чыве муным ок мунчо  
(китай).

☹ Кучедалаш йөра-  
тыше агытан коя  
огеш лий (руш).

☺ Чыват агытанла  
мура (корей).

## Кидмастар



Агытан ийым

вашлийна,

Кекерекшым кучена.

Тевыс тудо агытан!

Да могай мотор почан!

Тиде мотор агытаным Сашенька Васильева ача-аваж  
дене пырля ыштен. Нуно пластик канистр  
ден ате-влакым кучылтыныт. Клей,  
саморез полшымо дене пижыктеныт,  
кекерекым ачаже пу гыч пўчкын луктын.

**И.АЛЕКСЕЕВА, воспитатель.**

Морко, 1-ше номеран йочасад.



## Йомак

## Кок ката

Илен улмаш кок ката: шола да пурла. Коктынат мотор лийыныт: йошкар тўсан да шем пурса гай тамган. Но озашт, Маша, катасе кандырам сайын кылден моштен огул. Изи ўдыр уремыш лектын гын, ката-влак рудалтше шнурокым тошкеныт, Машалан ошкылашыже мешаеныт.

Икана ўдырын урем дене куржмыж годым шнурок-влак адакат рудалтыч. Пурла ката шола катан кандыражым тош-кал колтыш. Маша камвозо да пулвуй-жым вўр лекмеш сусыртыш. Лўдмыж дене шорташ тўнале. Ката-влак изи ўдырым чаманышт да лыжган пелеш-тышт: «Маша, ит шорт, айда пырля шнурокым кылдаш тунемына».

Ўдыр шинчавўдшым ўштыльо да келшыш. Тудо ятыр жап шинчыл-те. Тунем шуо вет: кандырам мотор бантик семын пенгыдын кылден шын-дыш. Йывыртымыж дене куржынат колтыш. Озашт дене пырля ката-влакат куанышт.



**Оля ЧЕРНОВА,**  
2-шо «Б» класс.

**Туныктышо - Л.Н.ПАВЛОВА.**  
Волжский, Памар.



**Н.ГОДУНОВАН фотожо.**

Йошкар-Оласе 80-ше №-ан йочасадыш коштшо Лера Албахтиналан кочаже лум гыч «пөлекым» ненчен ямдылен. Йўштö Кугыза ден Лумўдыр Леран ялыш толмыжым пеш вученыт.

## Теле

Пеш йомартле кече, Ах, могай игече! Лум чыла вере кия, Тудо пуйто ош чия. Лум леведе чыж да кож. Ош вургемым чийыш кож. Теле – чынак йолташем, Йўштö ден(е) мыят келшем.

**Юлия ИВАНОВА,** 5-ше класс.  
Куженер, Шорсола.

## Кидмастар

Медведево районысо Арбан йочасадын «Изи кож» групшышкыжо коштшо ньога-влакын У ий конкурслан ача-авашт дене пырля ямдылыме икмыняр пашашт.



**И.НИКИТИНА.**

## Мардеждыме

йўштö игечыште лум пырче-влак эркын йогат. Нуно кугу лийыт, йылгыжыт, изи шўдырла койыт. Лум пырче-влак иктын-иктын вельыт, кажныжым, пижерган кидышкыда кучен, шымлен кертыда.

Ў Изирак йўштö годым лум пырче-влак лум моклака гай койыт але калыкыште «ШўРАШ ЛУМ» маныт.

Ў Писе мардежан игечыште лум пырче-влакын лумўйолышт катлалтеш, тыге тыгыде «ЛУМ ПУРАК» йога.

Ў Лева игечыште лум пырче-влак, мланде ўмбаке йоген вошышыштла, икте-весышт деке пижын шинчыт, шолдыра лумыш савырнат.

Нуно кугу лийыт, калыкыште «КИСА ЛУМ» лумеш маныт.



**Сўретым чиялте, лум пырче-влакым ешарен сўретле.**



У ийын икымше кечынжак пүртүс мотор да лывырге игечым пöлеклыш. Йоча-влак эр гыч кас марте уремыште юарлышт.  
**Морко район. Т.ВАСИЛЬЕВА.**



## Вуча курык

Теле кече – йүштö кече,  
 Лум лумеш ош мамыкла.  
 Пеленемже уло ече,  
 Вучат мыйым курыкла.  
 Теве курыкыш күзем,  
 Олык лапыш

выж-ж волам.

Мöнгеш терке пöртылам,  
 Мүй ден чайым подылам.

**Диана СЕМЁНОВА.**

**Марий Турек, Арбор.**



Авторын фотожо.

## Мо тугай уштодыш? Тиде:

- ❄ кроссворд,
- филворд,
- ❄ мутбол,
- чайнворд,
- ❄ судоку,
- ребус да

молат.

## Уштодыш могай лийшаш?

- ❄ ик теме ушен шога;
- йодыш-влак түрлö темылан лийын кертыт;
- ❄ марла мут-влакым гына кучылтса;
- клетке-влакым чын шындедылза;

**УШТОДЫШ  
 КОНКУРСЫМ  
 УВЕРТАРЕНА!**

- ик түн мут лекшаш;
- ❄ вашмутшыMAT во-зыза.

Нине йөн-влакым кучылтын, уштодышдам редакцийыш колтыза. Темыже түрлö лийын кертеш, шке ойырен налза. Кö эн шуко да чаткан ышта, тудлан радиоуправляемый вертолётым пöлеклена.  
 26 май марте вучена!

Йүштö Кугыза корнышто пижышым йомдарен. Муаш полшо. Моло пиж-влакым мужыр дене чиялте.



## Ончыгече Петю

17 ияш ыле, а шушаш ийын тудлан 20 ий темеш. Кузетыге, умылтарыза.

## Тушто

Унала толеш да вара вуйыш шинчеш.



Лу ойыртемем му.



Индекс: Марий Элыште - 78574, вес кундемлаште - 52713. Тираж 1150 экз. Заказ 28. Формат - А-4-8. Директор-түн редактор Л.В.СЕМЁНОВА.

E-mail: yamde\_lii@mari-el.ru, yamde\_lii@mail.ru Сайтын адресше: yamde-lii.ru, Тел. 45-25-49(факс); 45-22-82.

УЧРЕДИТЕЛЬ-ВЛАК: Марий Эл Республикысе культур, печать да калык-влакын пашашт шотышто министерстве, «Ямде лий» газет» кугыжаныш унитарный казенный предприятий.

Газетым Массовый коммуникаций сферыште да культур наследийым аралымыште законодательством шуктен шогымым эскерыше Федеральный службыв Приволжский федеральный округысо управленийыштыже регистироватлыме. Номер - ПИ №ФС 18-1999, 2005 ий 10 февральыште пуымо.

Печатыш пуымо жап - 14-00, фактически - 13-00. Ак - кутырен келшыме почеш.

Авторын да редакцийын шонмашышт түрлö лийын кертыт. Серыш-влак мөнгеш огыт колталт.

Газетым редакцийыште погымо да верстатлыме, «СТРИНГ» ИПФ ООО-што ямде оригинал-макет гыч савыктыме. Типографийын адресше: 424006, Йошкар-Ола, Строитель урем, 95.

Редакцийын да издательын адресше: 424006, Йошкар-Ола, СССР Вооружённый Вийын 70-ше идалыкше урем, 20.

0+